



Wie Blödel
mit Danchwart an der Herberge streit.

XXXII. Auenture.

Die Blödelines rechen, die warn alle gar,
mit tusent halsspergen, hoben si sich dar.
do Danchwart mit den knechten, ob den tischen saz,
do hoop sich vnder degenen, mort vnt nitlicher haz.

Also der herre Blödel, fuer die tische gie.
Danchwart der marschalech, in goetlich enpfie.
willechomen her zehuse, min her Blödelin.
was iwer reise meine, des wndert gar die sinne min.

Dane darstu mih niht gevezen, sprach do Blödelin.
wan disse chomen daz mine, daz sol din ende sin.
durch Hagene dinen brooder, der Siwiden swoc.
des engiltestu zen Hone, vnt ander degene genvoc.

Neina herre Blödel, sprach do Danchwart.
so mohte vns balde riwen, distu hove vart.
ich was ein vil kleiner knecht, do Siwrit vlos den lip.
iane weiz ich was mir wiset, des kunec Ezeln wip.

Dane weiz ich dir der märe, nimer ze sagene.
ez taten dine mage, Gunther vnt Hagene.
nu wert ouch vil ellenden, ir chonnet niht genesen.
ir muozet mit dem tode, pfant daz Chriemhilde wesen.

So enwelt ir niht erwinden, sprach do Danchwart.
so riwet mich min vleben, daz wäre baz verspart.
der snelle degen chone, von dem tische sprach.
er zoch ein scharpfez wafen, daz was michel vnt lanch.

Do slooger Blödeline, einen swinden swertes slac.
daz imz hobbet mit helme, vor den foezen lac.
daz si din morgengabe, sprach Danchwart der helt.
zuo Nodonges brote, die du ze freuden hast erwelt.

Si mac sich morgen mähelen, einem andern man.
wil er die broote miete, ez mac im sam ergan.
ein getriwer Hone, het im daz geseit.
daz in diu kuniginne, riet so grözlichiv leit.

Do sahen Blödelnes man. ir herre lac erlagen.
das enwolden si den gesten. langer niht vertragen.
mit vf erborten swerten. si sprongen for diu kint.
in eime grimme mvote. ia gerowez si sint.

Vil lote rief der marschalech. al die knappen an.
ir seht wol edeln knechte. wie ez wil umbe gan.
nw wert ioch ellenden. als ioch des twinget not.
das ir fromehliche. ane schande liget tot.

Die swerte niht enheten. die reichten for die banch.
si hyben v; den fuzen. vil manigen schamel lanch.
der Suregonden knechte. in wolden niht vertragen.
da wart von swären stolen. durch helme bolen vil geflagen.

Wie grimme sich do werten. diu ellenden kint.
si triben v; den hofe. die gewafenden sint.
doch beleib ir tot dar inne. funf hondert oder baz.
do was daz ingesinde. von blvote rot unde naz.

Disiv starchen märe. wrden dan geseit.
den Ezeln rechen. ez was in grimme leit.
das erlagen wäre. der herre unt sine man.
das het der Hagen brooder. mit den knechten getan.

E man; zehove erfunde. die h;nen durch ir haz.
der garte sich zwei tosent. oder dannoch baz.
si giengen zu den knechten. daz mvof et also wesen.
vnt liezen des gesindes. ninder einen genesen.

Do die vil ungetriwen. drungen indaz gadem.
do h;op sich zwischen den rechen. vil vngesoger kradem.
was half ir baldez ellen. si mvfen ligen tot.
dar nach inchorcen stvnden. h;op sich engeflichiv not.

Hie muogt ir horen wnder. bi vnfoege sagen.
niwan tosent knechte. die lagen tot erlagen.
dar ober ritter zwelfe. der Dancwartes man.
man sach in alterseine. noch bi den vianden stan.

Der schal der was gewistet. der doz der was gelegn.
do blichte ober ahfel. Dancwart der degen.
er sprach owe der frivnde. die ich verlorn han.
no muog ich leider eine. bi minen vianden stan.


Die swert genote vielen. vf sin eines lip.
daz muose sit beweinen. vil maniges heldes wip.
den schilt er vrochter hoher. den vezzel nider baz.
do frumt er vil der ringe. mit blote vliezende naz.

Owe mir dirre leide. sprach Adrians kint.
no wichent Honen rechen. ir lat mich an den wint.
daz der loste erchvele. mih storme wreden man.
do begunder an ir willen. instrite gegen der tore gan.

Der helt ingrozem zorne. zu dem hofe sprach.
waz iteniwer swerte. vf sine libe erchlanch.
die niht gesehen heten. waz widers tet sin hant.
die muosen da beliben. von dem v; Burgonden lant.

No wolde got sprach Dancwart. mohte ich den boten han.
der minen bruder Hagenen. chunde wizen lan.
daz ich vor disen rechen. sten insolher not.
er holfe mir von hinnen. oder er gelege bi mir tot.

Do sprachon Honen rechen. der bote muostu sin.
so wir dich tragen toten. for den bruder din.
so siht im erste leide. der Gunthers man.
du hast dem kunege Ezelen. so grozen schaden hie getan.



Nu lat die dro beliben. vnt stet vf hoher baz.
ia getvn ich eteflichem. noch die ringe naz.
nu wer mirz swer der welle. ich wil zehove gan.
vnt wil selbe difiv märe. minen herren wizen lan.

Er leidete sich so fere. den Ezeln man.
daz si in mit den swerten. nu torften niht bestan.
do schyzzen si der gere. so vil in sinen rant.
daz er in dvrch die swäre. muose lazen von der hant.


Si wanden in betwingen. do er niht schildes trvoc.
hey was er tiefer wunden. sit dvrch helme svoc.
des muose vor im strvechen. vil manie koner man.
dar umbe lop vil grozen. der chvne Danchwart gewan.

Ze beiden sinen siten. si im sprongen zwo.
ia chom ir eteflicher. in den strit zefvoo.
er gie vor sinen vienden. alsam ein eberswin.
ze walde tvot vor hondten. wie möhter koner gefin.

Sin vart div wart erniwet. von heizem blote naz.
iane chvnde ein einer reche. gestriten nimmer baz.
mit also vil der viende. denner hete getan.
do muosen si in lazen. ane ir danc ze hove gan.

Trvhsezzen vnt schenchen. die horten swerte chlanch.
vil maniger do daz trinchen. von der hende swanch.
vnt someliche spise. die man zehove trvoc.
do chom im vor der stiegen. der starchen viende genvoc.

Wie nu ir goten knechte. sprach der muode degen.
ia soldet ir der geste. gvettliche pflegen.
vnt soldet nu den herren. die edeln spise tragen.
vnt liezet mich div märe. ze hove minen herren sagen.



Swelher durch sin ellen. im for die stiegen sprach.
der sloger eteslichem. so swären swertes swanc.
daz si durch die vorhte. vf hoher musen stan.
ia het sin starches ellen. vil maniges ende getan.

Also der chone Danchwart. vnder die tore getrat.
daz Ezeln gefinde. er hoher wichen bat.
mit bloote beronnen. was alles sin gewant.
ein vil starches wafen. daz tryger bloz an finer hant.

Ez was recht inder wile. do Danchwart chom for die tver.
daz man Ortlieben. trvoc wider vnt fver.
von tische zetischen. den forsten wol geborn.
von disen starchen mären. wart daz kindelin verlorn.

